

قصة بقرة ليّتامى هذي المحاجية التي لا يعرفها جيل اليوم منقولة باللهجة الجزائرية/الدارجةقالك واحد الرجل يخدم فلاح و عندو بقرة مربيبها ، ماتت مرتو خلاتلو طفلة و طفل و قبل ما تموت وصاتوا على البقرة و قالتلو ماتبيعهاش خليها للولاد ،زوّج هاداك الرجل بعد ما ماتت مرتو و جاب مرا أخرى ،هاديك لمرا زادت جابت معاه طفلة ،أمالا مرت باباهم ولات تغير منهم بزاف و ماتمدهممش ياكلو و يشربوا ،وكانت هاديك البقرة عندها ضرع عسل و لآخر حليب ،أمالا للولاد هادوك بقاو غير يكبروا و يزبانوا ،حارت مرت باباهم ،و قالت وَشْ ياكلو هادو الذراري حتى جابو روحهم هكذا و بنتي نعطيها تاكل قلب الحبة ماكبرت ما سمانت ؟ من اليوم نرجع نَعْسهم . كي عَسْتهم لقاتهم يرضعوا من البقرة ،قالت لراجلها بيع البقرة ، قالها يا مرا كيفاه نبيع البقرة ،بقرة ليّتامى ماتتباعش يا مخلوقة أنعلي الشيطان ،ماتتباعش ،يعاود يردها للدار ،مرة على مرة و الحال كيما راه . قالت لو مرتو أديها المرة هادي تتباع قالها يا مرا البقرة تاع ليّتامى ماتتباعش قالتلو قلت لك المرة هادي تتباع ،دا البقرة و مشى للسوق هو خَرَج منا و هي لبست برنوس و دارت عمامة كيما الرجال و مشات للسوق ،كي عيط و قال يا مالين الدلالة بقرة ليّتامى تتباع ولا لالا...؟ نَطَقَتْ هي بصيْفَتْ راجِل و قالت بيع تَرَبِّحْ ،راح الرجل للجزار و دا البقرة باعها لو و قالو عندي شَرَط واحدخليلي الضرع تاع البقرة للذراري ،أعطاه هاداك الضرع و داه الرجل و راح حطو في قبر مرتو يمات ليّتامى ،و كي رجع للدار قالهم كي تجوعوا روحوا لَقْبَر يماكم راني خليتلكم ضرع البقرة ،عادو الذراري كلما يجوعوا يروحوا للقبر و يرضعوا من هاداك الضرع ،تباعت البقرة بصح لولاد مازالو كيما راهم شابين و صحاح ،كلات كيفهم بالصبح مازيانتش ،صفارت و مرضت ، مرت باباهم ضَرَبْتُهُمْ و قالتلهم علاه أنتم تاكلو الحشيش تكبرو و هي مَرَضَتْ كي راحت ترقد بقات تخمم كيفاش تدير باش تتهنى منهمقالت لراجلها يا راجل البلاد هادي ما فيهاش الخير لازم نرحلوا منهاالصباح ناضوا بكري و لموا قشهم و رحلوا ،فالطريق جازوا على واد ،مَدَتْ للطفل كَسْكَاس و قالتلو عمر فيه الماء و مدت للطفلة الصوف كحلة و قالتلها رديها بيضة ،راحوا لولاد مساكن للواد و بدى الطفل يعمر في الكسكاس و هو يقطر و الطفلة تغسل في الصوف ما تنقاش،وَلَى الطْفَلُ يُغْلِقُ فِي الكَسْكَاسِ بِالطِينِ باش يتعمرو بالماء جاء ليه زاوش و قالو .طري بالطين يا مَسْكِين نَاسْكَ رَحَلوا و أنت في العين ،كي سمعو الزاوش يقوللهم هكذا فاقوا بلي كاين حاجة و رَواحوا للدار ،مَرَتْ باباهم قَبْلَ ما تَرَحَّل خَبَزْتَلْهُمْ الكسرة و دارت فيها الرهَج ،و رَبطت الكلب في الرحي (الطاحونة) هو يدور و المَطْحَنَة دور معاه باه مايفيقوش لولاد بلي راحو و خلاوهم ،مشاووصلوا لعين البقر ،عَطَشَ الطفل و قالها أُخْتِي عطشت خليني نشرب من هاديك العين قالتلو لالا يا خويا ماتشربش هادي عين البقرة تعود تشرب و توليلي بقرة ،زادو مشاو مشاو مشاو وصلو لعين الداب قالها أُخْتِي عَطَشْتِ نَشْرِبْ قالتلو لالا يا خويا ماتشربش توليلي دابْ ،زادو مشاو مشاو مشاو لَقَاو عين لحصان قالها أُخْتِي نشرب قالتلو لالا يا خويا ماتشربش تعود توليلي حَصان ،زادو مشاو مشاو مشاو لَقَاو عين لَغَزَال قالها أُخْتِي نشرب قالتلو لالا تعود توليلي غَزَال ، مسكين عطش بزاف خلاها مشات شوية و رَجْع و شرب كي دارت لقاتو لَحَقَهَا غَزَال قالتلو خَدَعْتَنِي يا خويا يا وليد اما و بوا قالها مانَسْكَشْ يا خُتِي حتى نموت راحوا لواحد لبلاصة هي طلعت للشجرة و تبات و هو يبات تحت الشجرة ،تقعد هي في الشجرة و تمشط شعرها لواحد النهار جاء السُلْطَان يُشْرِبْ لَحْصان تاعو ،همالا لصقت شعرة طويلة في لسان لَحْصان و ماحبش يشرب لا اله الا الله محمد رسول الله ،قالها اهبطي ما حبشش ،راح و بعثلها لعجوز الستوت قالتلو أنا نَقْدَر نجيبها لك ،راحت الستوت تحت الشجرة و حطت تخبز في الكسرة على الطاجين و هو مَقْلُوب و جابت المعزة و تحلبها من قرونها و تَحْكَمُها من ضرْعها ، نَطَقَتْ الطفلة و قالت لها ماشي هاكذاك ،قالتها الستوت أرواحي أخبزي لي مالا و أحلبلي ،هبطت و خبزت لها و حلبتلها المعزة و لُغْدُوَة من ذاك زادت رجعت الستوت و دارت نفس الخدمة و كي نزلت ربطتها حتى جاء السُلْطَان همالا قالها نَزَّوْج بيك ،مَا تاذيشْ خويا لَغَزَال ،قالها شَرَطْكَ مَقْبُول ،زَوَّجَتْ بيه ولات عايشة في خير بالخديمات في لَقْصَر ،يوم من لَيام جاء باباها يَطْلُب ،طلت من التافة عَرَفَاتو قالت للخدّام قولولو يستنى حتى نخبزولو الكسرة ،خَبَزَتْ الكسرة و دارت فيها الويز ،و بعثتالو و قالتلو ما تَقْسَمْهاشْ حتى تكون بين ولادك ،وصل للدار و حط الكسرة في الطابلة و قَسَمْها طاح منها اللويز ،قالتلو مرتو هادي ماتكون غير بنتك لونجة ،غْدُوَة أدّي خُتْها و رُوحْ لعندها ،كي داهها فرحت بيهم لونجة و قعدت هي و ختها يشمسو قدام البير خت لونجة طبعتها و طاحت لونجة في البير و كانت حامل بالتوام ،و راحت حَكَمَتْ بلاصتها ،و كي جاء السلطان قالها واش بيك يا لونجة كُحَلْتِي قالتلو من ماء بلادكم ،قالها وش بيها عينك عوارت قالتلو من كحل بلادكم ،قالها وش بيه شعرك حراش قالتلو من زيتكم ،غْدُوَة من ذاك قالتلو أذبح لَغَزَال قالها كيفاه نَذبحو يخّي تفاهمنا عليها قالتلو قلت لك أذبحواسمع لغزال واش قالت العورة ،راح للبير و قعد يقول لونجة ،لونجة يا بنت ما لَمَواسْ مضات و الطناجر غلات ،و خوك لَغَزَال في المَمَات قالتلو روح للسلطان و قولو يذبح بقرة و يسلحها و يملحها و يحطها على طرف البير ،راني ولدت و موسى على رُكْبَة و عيسى على رُكْبَة و

لَحْنَشْ يُو سَبَّعْ رُوسْ يَعْسْ فِينَا ، سَمَعُو الْخُدَامُ الْهَدْرَةَ هَاذِي وَ رَا حُو قَالُو لِلسُّلْطَانِ رُوحْ شُوفْ لَعُزَالْ وَاشْ يَقُولْ عِنْدَ الْبِيرْ ، رَا حْ وَ طَلْ يَلْقَى لُونْجَةَ مَعَ لُولَادْ ، ذَبَحْ الْبَقْرَةَ وَ شَلَحَهَا وَ مَلَحَهَا ، خَرَجْ لَحْنَشْ كَلَا الْلَحْمْ وَ عَطَشْ رَا حْ يَحُوسْ عَلَى الْمَاءِ جَبْدُو لُونْجَةَ هِيَ وَ أَوْلَادَهَا ، وَ حُكَاتْلَهُمْ كَيْفَاهْ صَرَا هَاذِ الشَّيْ كَامِلْ حَكَمَ السُّلْطَانُ الْعُورَةَ ذَبَحَهَا وَ نَحَالَهَا رَاسَهَا وَ طَيَّبَهَا وَ بَعَثَهَا لِمَالِيهَا وَ دَارُو رَاسَ الْعُورَةَ فِي شَكَارَةٍ وَ رَكَبُوهَا فَوْقَ الدَّابِّ بَاشْ يُوَصِّلُو لِيْمَاهَا ، وَ الْحَمَارُ يَهْدُرُ وَ يَقُولُ ،